

6

懷清堂集

T 5466 / 9248

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

SEP 15 1983

5531/9248



懷清堂集卷十一

仁和湯石簷西崖

寒雲寺

寂寞寒雲寺雲來特地寒
環楹塵白台老柏幹皆攢
蔚鬱分香飯天教趁冷官
具多負實語只道汝心安

修武道中

懷舊山陽里天高落木空
覆盃巖石上吹笛竹林中
寂寞人堪照鼎藏鶴人籠
蓬生差可託稻阮此遺風

次新城先生韻題王秋史二十四泉亭堂圖

七十二泉上家泉空水泉
石山來尋尋地不記植松
年世

懷清堂集卷十一

寒雲寺

寂寞寒雲寺雲來特地寒
壞墻塵自合老柏榦皆攢廚欲
分香飯天教趁冷官貝多真實語
只道汝心安

修武道中

懷舊山陽里天高落木空
覆盃巖石上吹笛竹林中寂寞
人埋照昂藏鶴入籠達生差可託
嵇阮此遺風

次新城先生韻題王秋史二十四泉草堂圖

七十二泉上家泉望水泉

泉名

由來著書地不記種松年世

仁和湯右曾西厓

哈佛大學漢和
圖書館珍藏印

外三畝宅山南一朵烟詩人好鄰並白雪舊樓前

城南校射荅趙豐原太守卽用見貽原韻

龍門雪將下先集乃維霰如山卷牘空靜若僧退院城南
關廣場農功出餘羨旗門好身手文雅事一變前臨三池
上定水花幾瓣

城南景明寺有二池邢子才碑文云金花映日又云信徒法侶持花成藪

圓頭

洛陽塵烽火憶苦戰吾曹太平日弔古如夢電風雅得使
君才具當八面拊髀思頗牧詎不在鄉縣富貴大槩耳士
取意所便寧必老書生兀兀破萬卷相對共一笑斗酒且
懽宴

贈王孟毅疊前韻

歲寒青松枝百尺飽霜霰佳人紈扇曲淒斷涼葉院先生
包古言如賈三倍羨蓬萊清淺水幾閱市朝變寒來青芙
蓉一一手中辦如何老驥伏不令猛士戰會當灑天瓢玉
女開笑電今朝風雪夜燈火故人面嵩陽尋舊師百里阻
山縣且畱訪伊闕快馬短衣便石脉散淙流韋郎舊吟卷
相期二三子攜手共游宴

送王秋史再疊前韻

洛城三日雪庭宇復飛霰子抱卓犖才不歸學士院來言
不得意買田思陽羨論道阻江湖坐看浮雲變家鄰華不
注天際青一瓣抱此靜者心不問蠻觸戰昨試禮部作迅

速走驚電暗中識光芒
予在禮闈最後得秋史卷素亦不相識也
驟襲無半面
將規讀書處不少山水縣子其慎自持獄市視民便文章
經國事撐拄五千卷終期賡猗那言從柏梁宴

歲暮感懷三疊前韻

迫茲歲晏晨撼撼響風霰憶彼少年日陰陰宿花院來者
詎得知往者徒可羨雕鐫肝腎竭顛頽齒髮變天寒除架
日瓜摘無畱瓣嚴霜一以零不救脫葉戰欲尋三乘法機
鋒擬掣電不爾入醉鄉臘甕撥醅面文章差底病那用驚
九縣甘思腊腴美煖想腰脚便亦有小兒郎之無甫開卷
春盤猶可及歸覓團團宴

趙豐原太守招遊龍門香山竟日倣樂天體

賓游聯騎出城闌山水佳時氣色新底用清商隨一部不
須明月作三人餘霞似綺連嵩少殘雪如花舞洛濱多謝
風流賢太守十分先借水邊春

香山泉上懷韋蘇州

韋郎昔著書暇從山水遊永日未能去愛茲泉上幽泉水
至今碧漾漾寒藻浮靈液冬不枯煦若春和柔夕潭漱彩
翠散綴明珠稠涵虛本同源潤物或殊流感此悟物理喟
焉思前脩臨池兩嘉樹樹老枝相樛攀條爲泫然斯人邈
難求大海粟一顆終古貉一丘不知後視今感歎有此不

懷清堂集 卷二 三
石樓灘

積鐵山幽幽濺波石齒齒不見樓上人時聞灘下水

洛中絕句

南北由來嗜好殊幽人風味不全孤玉川三百團團月一字何曾道酪奴

庾郎鮭菜二十七嗤點何來李令公洛鯉伊魴非俊味白

頭韭出客盤中

志稱洛韭至美果然

屠兒割肉妓兒繩敏捷當時甄李能何事江南老常侍只將片石說韓陵

士馬并州劇亂麻淨宮堯率洗鉛華洛川多少興亡恨惆

悵年年楊白花

微君之故乃泥中婢亦知詩似鄭公不解雙聲定何語冠

軍家自有春風

南園池館久飛灰將相功名何有哉三十六峯雲雪路只

應招鶴更歸來

裴晉公有南園靜興詩

子粒芒紅撿技頻兩京薄產事艱辛將書苦憶東屯老伊闕年年有好春

香山寺裏畱遺集盃酒何如身後名今日橋紅沙白路一篇長恨舊風情

龍門雪下有佳期車馬漸漸水上遲但使都廳遺事在未

嫌歐尹不同時

破垣遺竈天王院陰雨元功剩幾家歌管層層春處處夢
中猶看洛陽花

除夕奚里鋪

雲林入幽處煙火半巖間家飲洛川水門臨少室山祝雞
翁寂寂飲鶴澗潺潺今夜是何夕翛然心更閒

黑石渡

昨從邙山來今從邙山去邙山朽骨萬萬古惟有行人朝
復暮黃金蝕盡白石爛螻蟻三泉尚知處我來欲酌酒一
盃落日荒荒下前渡

元日發鞏縣

看山四面碧嶙峋且免車中邑邑人殘雪未消前度臘寒
梅已帶乍回春老知時節心情減閒覺風花景物新二十
年來兩元日天門頂上洛河濱

丁丑元日舟次白沙村登天門山絕頂

過虎牢關風日晴美

關門設險笑徒勞絕壁緣雲舊虎牢黑色小兒空百戰也
從洛口塞成臯

纔言今日已春還春在融融冶冶間柳意漸蘇波漸活東

風先上虎牢關

關上有清泉夾植楊柳

須水店壁有題句云風滿山頭月滿城坐深衣袂覺

秋生何人解識吟蛩語此是江南露下聲後二語
絕佳不知誰作也依韻一首

遙知木葉下秋城七字吟來太瘦生最是水天涼月夜人
間惆悵子絃聲

元夜在汴城偶念孟元老所記東京燈火之盛感慨
係之雜成斷句

春波細細縠紋生歌扇飄殘宛轉聲帝子不傳新樂府詞
人空說舊東京

從教百戲幻魚龍花陣香山幾萬重九十尺連青漢起可
能畱得最高峯

良嶽有一峯最
高至九十尺

千枝萬影朶樓開一道銀河瀉露臺天上忽飛金鳳下雲

中時看玉龍廻

兩行綺陌界朱杈燈火三更夜市譁月到五樓明似水一

重縹瓦一蓮花

重添兩夜試燈期猶說錢王納土時鶉鴿旋中光眩轉路

人爭踏五花兒

萬歲山前望貢雲香中百和最氤氳遊蜂冶蝶非時見先

繞雙奴玉線裙

宣和間汴京元夜
有使喚蜂蝶之術

蕭條相國寺如村指點菩提葉葉翻誰信當時正月半

范石

湖詩夜夜長
如正月半
綠牕朱戶盡歡門

王傅宅邊春月皎劉子翬汴京紀事詩太師橋畔午風和夜月池臺王傅宅春

風楊柳試教點檢蜂兒看黃雀披綿有幾多蔡京點檢蜂

有三十七秤王黼盛時庫中黃雀鮮積屋二楹兒見在數目

窠石空留四畫圖赦書着脚語何愚烏犀白玉煩緹裏重

入思陵卷軸無

水底鞦韆水上舟試燈纔罷又春遊紀聞南燼稗官筆風

雨移州夢汴州

邳縣阻雪不得謁蘇公墓

江河萬古會同流天半峨眉汝水頭長恨身宮坐磨蝎空
懷歸計老菟裘黨人遺籍悲他日瘴海餘生盡此州蘋藻

墓門思一拜亂山風雪閉松楸

遊風穴寺

為愛連峯好連峯窈窕間清泠風出穴曲折寺藏山翠柏
陰皆合叢篁密不刪門生傍籃輦應識老夫閑

喜公池

喜公池上坐竹裏暗泉聞細脉中峯落淙流下界分半規
如得月一縷欲生雲萬箇篔簹外翛然鸞鶴羣

墻角杏花

長紅小白態交加一隊春中五杏花他日東風夢臨汝鶯
鶯燕燕各天涯

風穴

萬竅忽怒號林摧巨石走太虛只一噫盛自土囊口我嘗
笑斯語索之無何有茲焉乘風颺絕頂延佇久言尋萬古
穴橐籥落吾手奇踪目親擊虛牝神所守何必天西南仇
池九十九蕭梢如欲起先已在跟肘應蘇久沈疾乍醒初
中酒下山憇茅菴絕境屢回首歸駕豈免促平生覺多負
蘭臺快哉雄歌舞樂速朽泠然北窻下輸爾山中叟

柳湖用東坡寄子由韻

邱上那復更有邱爾雅誤讀笑刻舟宛中宛宛一湖水坐
覺寒碧生船頭一生拍浮此便足何必鼎食羅珍羞家在

江湖狎漁釣舟居陸處知誰優扣舷似汎溟漲濶浮芥便
作坳堂遊天公寒暖提一律暎雨占晴定何術昨來蛺蝶
飛作團今去黃蜂釀成蜜空餘隄柳絮翻撲誰信山茶榦

蟠屈

子由有詠開元寺山茶詩

浮世眠食功與勞休論奴僕今旌旄宛

邱先生讀書處美酒飲罷餘離騷我衰學廢瓶罍恥馬肆
還來持尺箠差勝六年言責地終日一談惟唯唯食剉萬
事寧復知蠟屐此生當著幾文書堆案日有程樂哉此舉
非無名

時以校射出郭

沿湖一葉恣來去矯翼沙鷗箇箇輕

子由讀書臺

銅狄摩挲五百年旱湖幾尺水生烟鷗邊莫笑舟如葉門

外猶疑浪接天梨棗有時看得道弟兄相望憶歸田一尊
花下提壺共二老風流尚儼然

陳州先後得元朗及家兄篆辛下世消息

空齋對酒不能持兩日開書兩度悲夢裏池塘失康樂曲
中山水憶鍾期舊來門戶真何託爾後詩篇待寄誰太昊
陵西頻感歎無緣重問百莖著

睢陽秋暑轉熾因次東坡人皆苦炎四字韻詩作四

首

欲割秋江六六鱗鯉魚風未起青蘋小詩亦有偶然作高
枕偏宜率爾人手握冷蛇仍自熱心調狂象苦難馴月寒

日暖飛光速始羨仙壺萬古春

白汗翻漿日日皆如山卷牘對公齋時當火見三庚伏人

笑烟昏七竅羸秋思江南花似雪飲徒河朔酒如淮惟應

一餉清涼樂涼雨傾瓢水上堦

鄒生枚叟已黃土高李風流難指數說士深知視肉甘守

官誰信如茶苦青蠅白鳥蚊也出金樓子空營營衰鬢華顛餘縷

縷先生罷酒且休矣門外統如打曉鼓

星河耿耿夜厭厭漸覺冰輪影挂簷歲月坐驚蛛網戶暄

涼行看燕辭簾計秋分時始得去一杯沆瀣應知渴八尺琉璃好

避炎睡足風軒念羸老敢言不病壯夫痞

賦得微雲淡河漢

路迴飄將斷河明澹不飛西流水清淺左界雨霏微斜度
穿針閣遙停織錦機似聞瑤殿裏裁作不寒衣
天宇纖埃歛風林殘滴聞光穿榆歷歷影散月紛紛半卷
隨河霽全消入夜分九秋閒淡意只似雨餘雲

同祝良仲項蛟藩王晉三夜汎柳湖

欲采湖中花值此良夜永翩然一棹出明月浩千頃茫茫
蒲蓮海汎汎漁釣艇撥觸船底聲搖溶波上影勞生牽物
役百年苦鼎鼎詎意鞅掌餘獲茲幽絕境此邦許我老茅
茨結孤迴季鷹或思吳歐公常慕穎人生苟適意異縣等

同井嘉二三子賢高世比張邴偶然遊賞處別有天機秉
境寂物態閒心清塵慮省巖城數漏鼓坐久風露冷夤緣
遂忘歸魚鳥逐清景遙聞九臯外孤鶴時一警

晚過簡可太守汝陽池上講堂

蓮塘一夜霜萬葉颯已枯爭言秋可悲况當歲行徂歲徂
何足惜衰鬢非故吾昨來汝南行先賢傳有無往者利如
錐只今競錙銖我慚文翁化刀布蜀物俱習歌述德詩欲
選楊何徒手脫眼復暗文字愁模糊憫茲經月勞忽得一
餉娛宛宛開明鏡虹梁爛神扶玉堂清且嚴似入仙人壺
邦君自公暇結構城南隅百頃面風漪談讌羅文儒我忝

廿年舊懷抱亦不孤西風吹木葉落日低浮圖圓睇甘露
門佛香生寶趺光景既復佳還來立斯須分火照歸騎驚
起城上烏

再到汝陽

目極淮西古戍樓嗚嗚殘角似邊愁一池鵝鴨寒波沒八
代文章斷碣留夜半火光穿虎落曉來寒色犯貂裘病夫
自笑摧頹甚風雪連天入蔡州

沽酒行次胡抑齋侍講見貽原韻奉荅

冰雪凍天地臘甕忽已香破殼新鵝兒欲取大杓嘗康成
飲一斛八尺頽而長叔夜玉山頹不用人扶將先生溫克

姿性如九醞良獨醒視皆醉濡首時一昂晉安餉五經不
誤縹與緗往歲關隴閒檢校費幾囊至今沃蘆管曾不羶
黃羊歸來好事載時就元亭揚風味念麴生傾倒有索郎
顧影每獨盡閑和淵明章且莫嗤惡客不飲者爲惡客害
馬入歡場亦莫厭醉侯此藥未腐腸試共法士語大笑恐
不詳美哉惟江公妙論入微茫

夜半至柳湖宿蘇氏園

前臨柳湖口月色照履迹十里寒烟中犬吠林外雪馬煩
車復殆予亦倦于役稍喜燈燭光開門遲來客

臥疴汴城閒寂無事偶於齋東隙地編竹籬雜植叢

花小草期春夏間蒙密爭發亦可愛也因題一首
窄窄編門短短籬藤纏花繞便能奇十年種樹心應嬾三
月成陰事未遲歲久莫愁秋雨壞日長惟待好風吹老夫
管領春光在桃李無言自不知

明日復用前韻

千條萬葉欲穿籬幻出空齋一段奇漳浦自憐多病久劉
郎不恨看花遲新歡良夜金尊滿往事鄰家玉笛吹絲竹
中年賴陶寫若論兒輩莫教知

次韻查悔餘見貽

風急天仍雪春寒晝苦陰故人空谷訪衰病隔年侵老辨

中邊味禪空愛染心忽蒙題好句一字一兼金

海內稱詩伯天邊閱歲寒霜松心共古溟漲筆爭寬蓬戶
延新益蘭臺忝舊官應憐衰謝意只作朽株看

淇汲道中與辰再

淇汲春風已滿川花花葉葉各欣然輕烟薄霧熹微日最
是詩中畫裏天

哀怨猶傳水上聲驛門花事十年情

丙子入黔與辰再同過此

太行山

下東風路頭白重來並馬行

聞道說詩傳世業不須捧檄羨微官二王遺法分明在落
筆從人袖手看

泣玉投珠苦亂真一篇窮鳥尚長貧二千石不如逢掖始
信威明是可人

時將
之京

將遊黃華會病不果寄題四絕句

世緣道味本難兼方丈維摩病轉添夢到青山看飛雨一
條倒挂水精簾

避暑宮猶故址存炎天冰雪瀑流翻晉陽萬騎圖中見霸
氣西風賀六渾

何處天花引佛幢數弓閑地拓春窓此身只合針鋒隱底
用山僧四十雙

片石莓苔劫火餘王郎妙墨比何如隆慮山下秋風早滿

谷黃花夜讀書

奉文寺西廊

颺幕風高花事稀蘋婆一樹思依依祇應三月長廊下記
取年年似雪飛

道傍妃塚

窓中玉女煙霧空地下香骨埋春風層城珠樹有搖落無
賴野棠紅故宮盤龍古鏡迴雙頸省識釵茸昔花影綵雲
一散不歸來嗚咽泉源寒玉冷人間歲月秋復春葬時百
物隨輕塵土中拾得黃金雀回首可憐傾國人楚魂湘魄
無休歇白道年年直如髮珠簾斷盡望京樓猶照羅衣舊

明月

百泉試院喜雨

剡山出飛泉散作百道乳歡喜千小兒一洗饑渴苦我持
此願力默坐何所補大哉天公仁憫此欲焦土山中氣候
變倏忽雲生縷竹閒騷屑鳴晚來泉上雨陰連太行秀地
入嘯臺古得酒對明燈中夜更起舞

百泉蘇氏小樓

垂柳垂楊綠可憐一泓春水細生煙小樓光景常如畫獨
客心情只似禪紅藥喜霑三月雨青山長憶百門泉此身
婚嫁行將了或恐巖栖有舊緣

試院水亭

蕭蕭夕葦鳴磔磔春禽語堦下濟水深窓中太行雨

題匡山瀑泉圖

倒挽大海流忽下青天來萬古一匹練日走空中雷樓賢
坐禪客靜聽如嬰孩仁者心不動聲聞何有哉看畫如看
山恍與支許偕紅葉飛林杪白雲宿山隈當時謫仙人笑
口爲之開欲從乞涓滴瀉作萬瓊瑰

四月十七日晚霽宿香山寺

忽湧珠宮眼乍明毗耶長者舊經行門臨水態山容好客
到終風暴雨晴楊柳老無飛剩絮琵琶淒斷譜餘聲白毫

光裏黃金色幻出魚龍繞化城

是夕張烟火戲

城南蘭若

偶因送客入孤村一帶蒼烟繞寺門
長者更誰金可布人間不信石能言

內有周史君碑

含風細葉蟲吟早帶雨幽花鳥踏

翻墻下蕭郎兩叢竹它年會見汝生孫

立秋前一日吹臺奉送雄飛蛟藩晉三南歸同用秋

字作一篇

賓客平臺訪昔遊浩歌酒罷重離憂
可知舊雨勝今雨他日杭州說汴州
樓閣尚烘三伏暑林臯又到一年秋
登高作賦須公等天上黃河繞郭流

秋榜放寄萬生西田

錦衣玉食李方叔穠李天桃秦少游
瑁璫秋風詩筆在且

從南嶽鬪諸劉

謂劉太乙庶常昆弟

紫泉山下稻畦香朱老東鄰有草堂
莫遣清樽負重九桂花零落菊花黃

九日

白髮依時至黃花太瘦生亡何聊可飲
重九愛茲名病廢耽書課閒餘抱甕情
暫來籬下坐指點說秋英

立春日

苜蓿先生到骨貧一尊酒尚可娛賓丞
哉數慢應如我老

懷清堂集 卷二 五
矣無能只畏人冷煖暗移銀箭水顛狂任鬧土牛春小饑
忍待明年麥日望東郊雪意新

日長

雨荒三徑掩蓬蒿贏得吳葵幾尺高誰道日長無一事野
人門外送櫻桃

三月廿七日偕諸友人吹臺小飲

宴溫天氣景冲融勝地招邀勝侶同節物今朝春更夏是日

立亭臺昨夜雨兼風九原賓客思公子萬乘旌旗謁故宮

倚遍闌干獨惆悵落霞遙映酒盃紅

贈別陳五玉

相逢兩世話交情書記翩翩方盛名早對楊梅人已異新

題鸚鵡座皆驚土風偶采陳畱傳地主應叨許氏評李義山詩

叨蒙許氏評謂真意大令也三度春燈上元夜他時莫忘汴州城丁亥戊子

已丑元夕五玉皆就余大梁

大梁歸友人以四絕句見貽依韻奉答

百川東下幾西迴樛櫟天教養不才千樹桃花等閒事底
須惆悵看花來

公事誰如松下哦可憐辛苦學陰何三年入座春風少千
里懷人夜月多

飛鏃塵埋古汴京百年弦誦賸遺聲須知食肉封侯地笑

懷清堂集 卷二 其
爾書生說管城

壺中日月卷中詩
燥濕絃從指上知
拔俗云誰出新語
爲鄰自古愛清詞

題雪龕煨芋圖

異時求仙人辛苦爲服食
年年餌丹砂未見生羽翼
不如寸田裏日夜掃荆棘
此身如芭蕉霜霰將歲逼
寧知雪龕老有此冰玉色
芋火衡山陽奇蹤出伏匿
披圖感遺事宰相讀書力
啖此毋多言仙骨會當識

古意一篇答山言編修

佳人坐華屋織錦寄相思
呱呱窮巷女寒衣白素絲
蘭茗

春有贈桂藥秋方期
婉變保歲晏非云雲起時

雨後月出復爲雲掩

團團白玉盤
澌澌黃金色
沈沈清虛府
蕩蕩水精域
經旬積雨洗
明鏡淨如拭
坐望夜景澄
忽悵天宇黑
冰蟾雖慙好
奈此蝦蟆食
未成如輪滿
已妒爲弦直
喟然增煩憂
何由豁胸臆
浙瀝仍空堦
翻飛少歸翼
何當掃昏翳
一爲破側塞
清風颯然來
真宰信有力

題盧素公庶常抱經圖

昔者吾先君友生
求海隅通經鄙章句
獨得博士盧風雨
四十年壞壁餘榛蕪
兩家子弟中君握瑾
與瑜世業明春

秋學先啖趙徒我聞聖人義一字懸褒誅五石與六鷁詳
略徒區區三傳誠穿穴專門守拘迂如何盡舍旃虛空尋
坦途君博且知要蒼萃羣言殊少翁脩先業授受寫此圖
秀骨清而丰未覺列仙癯我老久廢學西家一愚夫竊聞
古經術本以應時須君方上玉堂佐化若唐虞毋爲決事
比後世譏醇儒

閒居遣懷

負疴得閒居誰云常寡歡寢跡窮巷裏故人青雲端時時
來相存勞苦問燠寒閒或具酒食亦未陋儒酸言詠風月
佳良夜每向闌因思三月病豈不在一官及茲未朝請轉

幸啟處安旣安何所須大笑掛壁冠

昨日苦鬱蒸赤脚不可韞中宵氣候變淅淅涼颼發軒窻
忽飛雨遠夢落清越朝來疎鐘動冠蓋趨天闕泥滑詎
可行迫此後期罰繫余獨何事睡起意未歇旣晏加我餐
乍涼櫛我髮嬾慢會當免眷焉竟此月謝彼燕頷姿稱此
山巖骨

愛山不在山田歌非知田古嘗有此語吾寧不謂然猿鶴
文或移沮溺心相關山林與鐘鼎天性各所便古有獨行
士九十常饑寒矧余東岡陂自守乃不堅連年復衰疾覽
鏡非朱顏親舊半怛化自顧良獨難行歸秉我耒猶及秋

風前

鷓或疑九霄魚常樂千里豈知樊籬間不出盆盎裏去來
隨運化小大有物理我家南山南衣食粗可紀閒思琴書
弄遊值風日美招邀到緇錫談笑及兒子峩峩岱與嵩下
視蟻蛭比瀛海環九州坳堂一杯耳

前年梁宋交三月冬無雪去歲復苦旱中夏失雨澤我乘
使者車憂虞朝逮夕江淮又大水彌望失阡陌粒米貴于
珠念此肺肝熱昨來長安住升斗太倉糴茲焉復連陰秋
稼恐不實行愁米價貴何以安我室 至尊軫民艱公卿
屢前席訐謨廟堂事聊復守蓬華

布衣一言死何況明主恩誦詩及此篇感激衰涕繁十年
爲諫官事每上殿論迂闊垂衆議數蒙 天語溫雖微古
人節庶幾職事存三年復來歸冗散日閉門江東頻水旱
饑餓愁黎元進旣謝言責退傷久疾蒐太行未云險中有
虎豹蹲咫尺生濤瀾蛟螭詎無痕報國事已矣終身歸灌
園

懷清堂集卷十一

懷清堂集卷十二

仁和湯右曾西厓

東便門外某氏園別山言授一聿脩峙公

文章報國愧虛名 詔下輶車指舊京
待訪神淵龍起處 應經絕塞雁歸程
潮迴滄海浮家去 日落青山罷酒行
公等莫嗟垂老別 未除豪氣尚縱橫

宿通州試院

依然襍被宿寒廳 觸迂閒愁白髮星
喚起嵩陽舊時夢 三更風撼閣前鈴

潞河

懷清堂集 卷三 一
雲物入清曠秋聲兩岬蟬含情西路水也自解澄鮮

京東州縣多被蝗害

蔽天從西來聲若殷雷奔投東倏而下一下無千村萬萬
攢黑蟻布野如雲屯遺蝗復生蝻下食盡草根欲乘昇炎
火種多不勝燔積雨則掃除安得天瓢翻捕蝗載令甲州
邑愁思繁撲滅少後期章劾肯見原擊鼓集衆力解鞍傷
客魂古有不入境得非政理存我欲因事規小吏何足論

薊州城北二十里僧舍

身許雙峰未有涯耳聽門外響三車高人住世仍忘世窮
子還家詎是家半缺月如懸破鏡一條水似漾長蛇思量

入道今衰老旋得歡娛旋歎嗟

望盤山

深松隱上盤中盤杳何許白崑嵐氣濕已作前林雨歸來
采樵人衣上雲幾縷

借枕僧廊眠東軒滿山翠淙淙桃花水散落桃花寺已似
隨清風泠然引而至

玉田

仙人石一升石爛不堪煮持歸南山下種作好眉嫵已訝
隻成雙復驚一得五熒熒絕代子未笑心先許

雨宿沙河驛

懷清堂集 卷三 二
出塞一身遠將家八口同百年均是客多病久成翁蟋蟀
寒燈雨蠨蛸破驛風猶欣小兒子笑語寂寥中
慰旅懷 衣繞膝差 方九歲牽

盧龍道中

山形谷勢何多端輪摧軸折車過難兩崖對束巨石礙一
逕斜轉陰雲盤下復泥深行不得我馬哀嘶病無力愁霖
積淖關塞長始信人間路偏仄

兔耳山

放浪天教養不才四年踪跡亦奇哉題詩嵩少三花去走
馬平營五頂來
兔耳其一也眼見海神鞭後石手捫仙客奕時

臺飄飄似把浮邱袖笑看滄溟水一杯

榆關驛懷先兄篆辛

嗚咽桑乾水三年不忍經榆關關下路愁見暮山青小驛
逢鴻雁西風痛鵲鴿感恩餘故吏
榆關驛吏先兄令樂亭時遇之有恩欲語

涕交零

望海岡歌

西踰連峯山東上望海岡海中滉漾亦何有但見積水青
茫茫忽然虛無中浮出蜃氣黃秦皇島邊一綫起欵見邇
迤隨風長精靈下聚珠貝闕光影上駕虹霓梁傳聞此地
海有市高秋澄澈疑可望五城十二樓隱現波中央人間

那得峨眉老神所勞矣爭開張窮壩毫髮入大荒白虹蕩
蕩浮龍驤海童邀路不敢過漁父一葉歌滄浪塵中憂患
未可量頭白死生空爾忙舟中嘯咏謝安石臺上輕舉燕
昭王環洲仙草菖蒲香鬱夷金霧含晶光成塵何處辨五
嶽枯倒重見生扶桑不思驂麒麟亦莫翳鳳凰鯨魚掉尾
幾萬里送我羽節朝東皇昔遊洞庭臥岳陽空明倒景搖
瀟湘未騎碭水赤鯉去復看析木青鸞翔笑爾椿槿誰短
長超然已入無何鄉揮手爲謝安期生如瓜之棗不足嘗

澄海樓

大海東迴水波惡如山浪打長城脚千年萬年鬼夜哭冷

鐵銷沈石崩落王公設險古制存屹立重關嚴鎖鑰千戈
相尋遠不數六十年前事如昨大盜移國明社墟瀕洞烟
塵昏六幕是時關門臨賊壘白日旌竿莽蕭索奸寇滿盈
人鬼怒世運艱屯 神聖作飛龍首出在九天熊虎戎衣
只一著石河西南破賊處父老猶言戰時樂不聞人聲聞
刃聲霹靂摧枯風掃箨只今車書通萬里天下一家無厚
薄名都貨貝街喧闐屬國賚琛驛交錯承平暇日展游眺
賓客閒情寄觴酌茲樓我到亦偶爾萬古心胷忽開拓更
喜天容海色清側身東望蓬萊閣

土人言天氣晴明
往往見登萊也

山海關

東西誰界絕封此一泥丸地接長城險天浮渤海寬連山
趨碣石積水見辰韓吹角關門出邊風馬首寒

前衛

上下經重岡溪風亦多厲我行困登涉日暮前屯衛女墻
被秋草廢壘今易世關東歲屢稔外戶夜不閉物情貴所
無價賤米狼戾輪蹄交道路入關未迨避來逢車連連賣
穀供王稅時當三農隙市通百貨滯差幸關內民蝗餘獲
少濟我聞海絕島鯨鯢未盡殪時出犯風濤無地可樹藝
餘糧括海舶間亦施小惠賈往三倍收法令不能制官司
爲耳目上下久蒙蔽寄語橫海軍首須祛此弊海口出粟

禁豈但東南際民愚無所知國有萬年計

望覺華桃花二島

我循山行若弓勢脫手彈丸兩黑子鯨牙撐突波濤翻鰲
背坡陀島嶼起龍宮浩劫不可問碑兀海雲何處是

島中有龍

宮海雲
二寺

聞道殘僧餘兩三買薪時復來城市

寧遠州食蠚

海濱物產珍錯交食指一動隨所遭飽聞稻香肥郭索白
玉脂瑩黃金膏蒸未出金羣聲囂豈知手擘餘空螯大笑
口腹負老饕人間名實多汝曹

中秋寧遠道中

雲帆梗稻存遺島謂覺野戍烽烟斷古城出塞始知山遠
大入秋彌覺海澄清樓臺何處蛟龍氣風雨空中草木聲
誰遣琵琶弄明月醉餘添得放歌行

小凌河

松山行處戰場多殺氣連營夜枕戈今日斜陽照禾黍秋
風孤雁小凌河

入錦州界喜節孫通守至憶丁卯秋試時同館李文
定公家忽忽二十三年矣

談天翁在海東頭落筆千重抱蜃樓日召諸生試家法通

在州日以教授諸生爲事誰如別乘最風流尊中竹葉歡今夕院裏槐

花感昔遊廿載相公門下客幾人有淚灑西州

十三山頂

拔地忽起十三峰峰峰突兀如排空多年石花封白黑終
古壁色填青紅捫蘿得路到巔頂大漠清秋散光炯煙螺
一點浮空虛雲氣已接醫巫閭

醫巫閭山

虞封十二山醫巫閭鎮幽一重復一掩秀色橫九州元化
始煦姬神功繼雕鏤巨靈右踏足斷鰲左昂頭百里盡東
驚天際穿雲紉一一青蓮花萬手拳不畱其下作巨鎮祠
廟歲增修內府出金錢寶翰蟠銀鈎焜耀萬萬古豐碑樹

懷清堂集 卷三 六
崇丘秩禮視三公主幣薦百羞五風而十雨有禱神必酬
登望義州北邊陲昔虔劉長劔斬封豕壯士脫兜鍪于今
隸王官婦子樂鋤耰時載十圍木出市布與裘夫犁弔舊
營懷古風颼颼移屯耿校尉無慮搯其喉萬帳請受降兵
氣如連牛餘威震東部怒矢貢挹婁前臨望海堂指顧發
一漚閣浮百億界小水笑麟洲昔者東丹王校獵來清秋
忽慕吳太伯舉帆越之罟隨身千卷書美人同綵舟丹青
入畫圖秘府多藏收洛城血坡陀歸蒐招得不猶聞影殿
在歲久不可求前年地忽坼遺蹤出山陬朱門森陰沈髣
髴垂前旒牧豎不敢入風雨聲啾啾昨者楊縣尹始掩土

一抔我欲鐫之石大書立道周驅車涼風節青巖寺名雲木
稠上尋瀑布泉下訪潛龍湫夙與禽慶期願接盧敖游行
當見白鹿夾我巖前轉人生知幾何悠悠復悠悠遙從五
岳外高視滄溟流

途中兩臂疾甚戲作一篇

老夫秋來骨欲折兩臂攣如痛不絕昏疑魂夢戰水火裹
若支骸創金鐵少年萬事不自料縱意初涼好時節奴搖
大扇臥不休被着輕綿手先掣陰寒中人到今發疾病隨
身向誰說或言長孺老秃翁皆坐三年頻嘔血形枯髓竭
應爾爾石戴秋花復車轍道逢健兒好身手歸去兩狼挂

懷清堂集 卷三
鞍首有力惟呼惡馬騎輕身慣接飛猱走臂鷹牽犬稱最能射雕扼虎尋常有相看意氣尚雄放何法醫治此衰朽屈伸不廢五禽戲提攜猶可三升酒古有折臂終作公客來舉此慰我窮壯士斷腕不可學高人曲肱將母同寄謝黃金印如斗無緣得繫衰翁肘

渡遼水

勝衣誦明文何假七營士舞戈笑公孫計出中下耳
六合城何處天涯無錦帆空憐麥鐵杖只博淺黃衫
白衣度遼隧果毅雲泉府當時凌煙人惆悵李景武
雪堂同年見示近詩奉簡

貢書早歲忝同年西掖南臺佩接聯遮道每驚狐截尾出
雲誰見鶻空拳麒麟地上行將老松柏霜中節更堅旦晚
會承宣室 召不須吟誦白頭篇

食栗

何來此佳果初釘客盤新覓自小年日投從隔坐人如拳
空較大似蜜已先皴俯拾山寒路狙公莫浪嗔

雜詩

蓮泊

在城西南

十里外似聞風露香明珠剖蓮的滿滿無空房

中有么荷拳味苦不可嘗味苦猶尚可甘恐腊毒傷

誰云蒸羊腔乃不美蟹胥風味固差別一笑未要渠此邦

無監州我官况晏如惟當勤撥甕東來載麴車

仙苗斲三楹貢等天府琛市人一笑鬪薺作人參真偽
久雜揉清鑿宵然深鷓鴣彼凡鳥詎有威鳳音

我有好頭赤得之西南隅秋城雲拂地復生叱撥駒三日
走及母騰踏萬里姿雖慚麩與賢勿忘貧家爲

芻狗入我夢美食趣名客遼水魚上冰盤中臥三尺割鱗
不割髻小點瓜薤跡頓頓飽老夫肥如瓠壺白

織織不可整欲理如亂髮土名烏喇草是生有奇溫策勲歲寒

月軟襯將穿履細衲纔製鞮情話遙夜闌地爐謝楮柶

城東小河崖

去城五里

出泉自甯沸日供萬室飲造物不知費

連年濁水源凡骨滯靈氣溜澠今可辨更思味外味

織者身常進耕者身常退進退兩不知天機各有在我非
戶限上就列力未逮辛苦刑惇夫嘔血方病肺

病起

洛涘歸來復兩京誰憐輾轉此勞薪一彈指頃皆陳迹三
折肱餘是幸人蹋雪預儲鞞角早畏寒時喚帕頭頻書聲
庶下慚兒子他日紛綸井大春兒子學殖隨來解舍五經比能背誦矣

寄荅友人

遠辱詩相憶深憐病未瘳孤雲天北角寒浪海東頭寂寞
仙人藥蒙茸使者裘長懷阮公嘯逸響振林邱

懷清堂集 卷十二 九
祭酒諸生耳承 恩在紫宸月分紅粟貴歲賜錦袍新已
有名驚座何勞戲答賓明年看扈從綵筆頌東巡

漫興八首

支分藥竈與茶鑪一榻蕭然長道情皂帽人誰念西笑赤
蛇官果有東名海凌欲合風驚牖沙雨將來霧塞城漢室
蘭臺周小史拾遺曾否記陪京
吠厖不警樂年豐 聖主恩深萬物同九譯梯航來海外
二陵風雨護天東悠悠黑水無沈羽渺渺扶桑有挂弓塞
上百年烽火息健兒吹笛戍樓中

天長漸入婆娑府地散偏宜漫浪人求藥轉嗟成市少鑿
坯何異在山貧郡中有客占諸蔗雲際無羅網鷓鴣誰似
平生舊遊好經營消息不辭頻

薄田故里久荒蕪立稅遼東計更迂米賤祇應隨日糴酒
香未缺不時須城訛烏尾邊風勁臂掣鷹鞞塞草枯閒見
物情思妙理負暄聊可忘朝晡

尺一何時喚我歸年來得失總忘機奇思屬國公沙穆老
作遼天丁令威京兆未須嫌五日塞垣今已逼三微無人
得似長岑長不樂之官便拂衣

雅宜羸骨早裝綿塞瑾應從北戶偏客共語時須勝日鶴
知寒甚是今年冰原鼠入谿訝谷雪窖人埋黯黯天萬騎

幽陵方會獵書生虛控射梟弦

上林賦射遊梟
註梟羊山精也

何由杖履得追陪

謂漁洋先生

隔水雲颿去復迴歲月崢嶸歷

冰雪海山明滅見登萊鰲身跋浪千重沸蠶尾回燈一卷

開

時新刊蠶尾集

想到尚書遊賞處琅琊初日最高臺

貢包歲歲自平州驛道輪蹄雨雪稠五葉葭齊珍上藥干
金貂煥識名裘人才瑰異應如此册府遺亡尚可求刀布
他時隨計吏諸生好待八紘收

題吳仲奎墨竹譜

猗猗淇園千頃綠三年坐臥意未足歸來合眼想檀欒別
有風流在卷軸海東叩門無所詣悠然看畫如看竹吳生

靜者藝絕倫落手天機謝拘束逸韻先封瀟灑侯清陰已

入篔簹谷橫斜似見風掃逕敲倒如聞雪壓屋窺窓掩冉

搖碎金吹籟清冷夏寒玉梢頭片雨筆可追枝上輕煙墨

能蓄連叢忽漏月流夜病葉將零霜脫木壯士幾輩直榦

排劒拔十尋高節禿殷殷中宵雷雨過鱗鱗錦裯頭角矗

底須縱筆如筆大

趙士安好作筆竹

轉笑成形似紉曲

文與可每作竹况人

一朝士迂疎脩謹文作紉竹贈之

淺深向背生意真朝暮陰晴清景逐湖

州筆力儼猶在宣和院體嗟已俗金錯刀借鍾隱能鐵鈎

鎖許誠懸獨自言神明出規矩要令披猖有邊幅不學誰

能心手應以小喻大當三復年來與世絕愛憎漸覺心源

少棖觸偶然玩物有此癖何異小夫金守櫝通靈妙畫會
當去羽化銀杯晒童僕巧偷豪奪兩未知聊喜煙雲一過
目

題節孫盛京竹枝詞後

溱纘文成五色波採將風土入絃歌青田萬里聞仙語枉
道星星不解多

竹枝哀怨楚人聲移作猗那頌太平未必歌詩有何武試
從東國選諸生

穀賤行

江南得米如得珠關東下飢雞與豬我馬在櫪市束芻秣

橐纍纍子粒俱問之市人笑盧胡家有遺穗無逋租酤酒
賽神神降巫村塲擊鼓連臂呼女有衣裳男袴襦樂哉此
樂無歲無今夏小旱豆莢枯皇皇閭井憂妻帑幸天出雨
困乃蘇豐樂慎勿忘饑飭大瓮小甌粟謹儲今年要備明
年須君不見堯湯水旱古來有勸農合在循良守

馬廐行

遼水東西一千里泉甘草豐地莫比休誇黃澤接黃池不
數白沙如白水年年國馬一萬匹圉人牽來內廐裏三千
歲字額有常騏驎好兒天驥子馬官減豆馬不肥天寒瘦
骨猶權奇空聞非子主汧渭遠念太僕領函岐後來坊監

法一變顧視逸足無新羈熙寧保社散諸路元豐茶馬爲
一司憶昨河湟通互市商賈班班車罕至 聖主方哀漁
奪私羣公且言辜權利自從使者罷河西邊人老幼權扶
攜如今龍種生東海不用崑崙八馬蹄

登角山寺

寺在山海關
北角山頂

石磴千盤上松濤絕頂聞四虛風縹緲大海氣氤氳黯黯
蜃成市飄飄鶴出羣老僧茶話久堦下已生雲

洋河

羣山合沓煙翠迷泱泱冰雪鳴寒溪人家高下隱喬木最
好夕陽洋水西

蘆峰口

山脚落日盡路入蘆峯口高柳小茅菴門前鴉在否

禹鴻臚尚基爲予作出關圖裝背未及而行歲杪重

入國門展卷題四絕句

白山黑水一閒身圖裏傳來已逼真縱少詩家好標格出
關也似入關人

海東萬仞雪嵯峨路入遼西氣便和重上關門一延首盧
龍塞繞白狼河

勞勞車馬在塵中物外閒心寫最工宛似龍眠老居士陽
關著箇釣魚翁

貽書誰問邴根矩問俗人知王彥方我賸杜陵遺恨在不
曾飛檝薄扶桑

傲居甫定忽忽改歲矣慨然有作

九死餘生似斷蓬得還那復問窮通管寧皂帽有時淨范
蠡扁舟何所終華表鶴驚新歲月畫梁燕認舊房櫳烏頭
馬角歸來日好在春杯灑灑紅

詠齋中水仙

巳丑除夕作

一重簾外卽飛霜小墜幽花護曲房天與風光如臘後人
教位置早梅旁清姿自擢娟娟秀素艷時披呱呱香折贈
春湖有遊女凌波先拜水仙王

懷清堂集卷十二

懷清堂集卷十二

